

1271 (1270) März 16 Münster.

[44

Bischof Gerhard von Münster bekundet den Verkauf einer Hufe im Bspl. Osterwida an das Kloster Warlar.

[Gerardus], Dei gratia ecclesiae Monasteriensis episcopus, omnibus praesens scriptum visuris notum esse cupimus, quod constituti in nostra praesentia Gerardus de Westerwinkele et Gerardus filius suus, Mechtildis soror prioris Gerardi cum Adolpho filio eius et Hermanno de Sendene secundo suo marito recognoverunt publice, se quondam bona sua, mansum videlicet Bac, situm in parochia Osterwida nostrae diocesis, dilectis in Christo religiosis viris, praeposito et conventui monasterii in Warlare vendidisse legaliter puro proprietatis jure [pro] decem et octo marcis numeratae sibi pecuniae, mansum eundem cum universis eius attinentiis simpliciter et absolute resignantes et abrenunciantes deinceps omni iure, quod ipsis competebat vel competere poterat in praedictis. In cuius rei notitiam et munimen praesentes litteras impressione nostri sigilli fecimus roborari. Acta sunt haec solemniter Monasterii, praesentibus nobili viro Conrado de Velen; item Wescelo de Lembecke, Bittero de Rethe, Mattheo de Novo Castro, Henrico et Siberto fratribus dictis Norendin, Ottone de Sendene et Bernardo Brunen militibus et Gerardo Brunen ac compluribus aliis, anno Domini M^oCC^oLXX^o, secunda feria post dominicam Laetare, XVII tunc Kalendas Aprilis.

Kopie im Warlarer Kopiar S. 70.